

Segmedina Srna-Bajramović
Zastupnica u Skupštini Kantona Sarajevo

FEDERACIJA BOSNE I
HERCEGOVINE
KANTON SARAJEVO
SKUPŠTINA KANTONA
SARAJEVO

VLADA KANTONA SARAJEVO

n/r predsjedavajućeg Skupštine Kantona Sarajevo, gosp. Mirza Čelik
n/r Premijera Kantona Sarajevo, gosp. Mario Nenadić
n/r Ministra unutrašnjih poslova, gosp. Ismir Jusko

Na osnovu člana 214. Poslovnika o radu Skupštine Kantona Sarajevo ('Službene novine Kantona Sarajevo' 41/12, 15/13, 47/13, 47/15, 48/16, 9/20, 14/20), pokrećem

ZASTUPNIČKO PITANJE

Zašto ne razmatramo reformske zakone Izmjena i dopuna Zakona o unutrašnjim poslovima i Zakona o policijskim službenicima? Navedeni reformski zakoni iz ove oblasti su produkt inicijative i kasnije zaključka Skupštine KS, kojim je naloženo Vladi formiranje 3 ekspertne grupe, uz obavezu da rade na reformi javne sigurnosti u KS, kroz pripremu odgovarajuće legislative. Vjerujem da ste i Vi svjesni kako su ove izmjene i dopune od krucijalne važnosti jer kreiraju pretpostavke da se otkoče procesi prijema novih cca 300 policajaca, te definišu procedure činovanja, što će za rezultat definitivno imati bolju funkcionalnost i efikasnost Uprave policije! Svjedoci smo da se i sindikat u više navrata oglasio kako očekuje brzo usvajanje istih zbog prethodno navedenih razloga. Naravno, ne želim prejudicirati stvari, ali su nesporne činjenice kako su zakoni i s vaše strane najavljivani, međutim, u posljednjih sedam dana svjedočimo medijskim člancima u kojima se prijedlozi istih osporavaju na različite načine u koje ne želim da ulazim jer ih smatram i nekim domenom špekulacija. Zato bih voljela da i mi, i sindikat, i javnost dobijemo informacije iz prve ruke šta je problem, gdje je rješenje i nadam se neki vremenski okvir kad ih možemo očekivati!

Segmedina Srna-Bajramović
Zastupnica SDP BiH u Skupštini
Kantona Sarajevo

